

度

支

奏

議

度支奏議目錄

陝西司一卷

議覆秦撫胡廷宴條議疏

題覆瑞藩河南贍田疏

題覆優卹秦中旱災疏

覆議秦隴積茶抵餉疏

題覆裁汰中書俸薪疏

題覆查議省直賦役全書疏

題覆秦撫胡廷宴直發徵糧夙弊疏

題覆秦撫胡廷宴條奏防盜疏

題議貲郎仍舊轉解邊餉疏

題覆遠年借支太僕銀兩疏

題覆查議宗藩分別限祿疏

題覆賦役全書移咨再催不必差官疏

覆陝西茶院梁天奇搜括陳茶充餉疏

題覆陝撫劉廣生條議新兵餉銀疏

覆行人馬懋才題請蠲賑延慶疏

題請帶俸官匠悉照汰後新銜造領疏

度支奏議卷之一

太子少保戶部尚書淄青畢自嚴視草

議覆秦撫胡廷宴條議疏

題爲遭際清時謹陳職守以備

聖明採擇以效一得愚忠事陝西清吏司案呈崇禎

元年八月初七日奉本部送戶科抄出陝西巡

撫胡廷宴題前事等因本年七月二十五日奉

聖旨該部卽與議覆欽此欽遵抄出到部送司查得

疏內六款除濫竽之虛冒宜核武弁之詐冒宜

裁二款係隸兵部催科之法令宜一一款係隸吏部各掌行應聽議覆外其餘三款事隸本部呈乞議覆案呈到部看得撫臣軫念地方所議宗祿投獻邊餉諸款俱於政體有裨相應照款開列議擬覆

請恭候

命下臣部移文陝西巡撫及咨都察院轉行巡按御史并照會陝西布政司一體欽遵施行

計開

一曰

宗室之繁衍宜議

前件臣等看得秦地分隸五藩惟

韓府宗室最稱繁衍其有封爵猶自可支惟庶宗
貧寒爲甚雖皆給有口糧邇以有司急邊
需而緩宗祿逋負數多給散愆期以致各
宗嗷嗷待哺鶉衣露處饑寒逼身禮法有
所罔顧因而踰閑蕩簡違條犯法誠所不
免合令撫按藩司檄行該府州縣凡各府

宗祿湏設法嚴徵毋許拖欠通融派如期散給務令各宗均沾升斗不致向隅衣食既足然後徐責以禮義敢有仍前狂逞犯法者聽司府官申詳兩院盡法究擬仍
啓知

韓王嚴加約束庶各宗知警而咸以禮法自繩矣至於各宗收留有孕婦女捏名雙生以竊作存及生育不明并花生子女紊亂宗支莫此爲甚是在撫按設法嚴禁仍令該道

會同長史司逐一清查但有前項事情即
行汰革治罪仍造冊報部稽查澄流清源
宗祿其稍裕乎伏候

聖裁

一曰

王府之投獻宜戢

前件臣等看得秦地遼濶毋論肥磽皆需
正供以急公藉餘潤以自贍者也孰肯以
祖業恒產投獻

子不勢豪乎此不過市棍刁民將賣過不明田產
托名投獻借以脩怨洩忿耳合聽撫按官
嚴行禁戢如仍前有犯授受各依律治罪
則刁頑斂跡而民生其舒乎卽如

瑞藩贍田業經臣部題奉

欽依於陝西四川河南山西四省派給每畝三分
科有司徵解已有着落且

瑞王仁慈性成爲善最樂亦必不肯收受刁徒投
獻以亂

祖宗令甲也伏候

聖裁

一曰邊餉之積逋宜飭

前件臣等看得陝省分隸四鎮除臣部
發京運外而本省民運皆留充邊餉者也
徵收雖屬各府州縣而出入必統于藩臬
該道然後可按完欠以別殿最酌盈縮以
爲支放庶事有統轄而易於稽考今陝省
以地方遼濶惟聽各府自徵自解在藩司

則鞭長既不及腹在各道則呼吸絕不通
應軍安得不呼庚癸也合照撫臣所請卽
將該撫所轄固原鎮令各道臚列州縣原
派邊餉額數有無完欠仍令經徵有司按
季造冊赴該道應比該道卽將各府州縣
完欠數目開報藩司撫院照例考成仍撫
逋負最多者聽藩司呈報撫院勿徇情面
特疏叅劾庶邊餉充足而士馬飽騰矣伏
候

聖裁

崇禎元年八月二十七日具

題九月初一日奉

聖旨俱依議欽此

題覆瑞藩河南贍田疏

題爲循例請

賜之國贍典以崇

祖制以隆

聖恩事陝西清吏司案呈本年十月初四日奉本部
送戶科抄出河南巡撫丘兆麟題前事內稱協
濟

瑞藩贍田原派二千頃據開封府申報杞縣臨潁
鄆城三縣報地共六十九頃二十一畝七分三

釐七毫歸德府申報商丘夏邑三縣報地

七十五畝衛輝府申報汲縣地九頃三十一畝

新鄉縣報地五頃懷慶府申報濟源武陟孟縣

三縣報地一十一頃四十一畝其彰德河南安

寧南陽四府汝州各申報並無閑曠地土止得

地一百二頃六十八畝七分三釐七毫徵租

三百八兩六分二釐一毫一絲尚少地一千

百九十七頃三十一畝二分六釐三毫彰德

千六百九十一兩九錢三分七釐八毫九絲

須于通省地畝起科自崇禎元年爲始按年
政司差官類解務足二千頃徵銀六千之數至
於續派一千二百五十頃

俯從停免等因崇禎元年九月二十九日奉

聖旨瑞藩贍田協派既有定額還遵旨多方湊括不
許加派以信明旨其續派田數作何設處該部看
議來說欽此本月十五日又奉本部送戶科抄出

河南巡按御史張鑛題同前事本月初十日奉
聖旨已有旨了該部知道欽此欽遵各抄出到部通

送到司奉此案查本年七月內該本部題覆
西巡撫胡廷宴題前事奉

聖旨瑞藩贍田還照例務足二萬頃昭朕篤親之意
欽此遵將五千頃均派陝西四川山西河南各
撥一千二百五十頃以足二萬頃之數通行查
撥去後今經該撫具題前來相應議覆案呈到
部該臣等看得

瑞藩贍田業該臣部幾經叅酌先以陝省派撥
萬頃河南協派二千頃山西四川各協派一千

五百頃通共一萬五千頃矣及再奉務足二萬頃之

明旨則於四省應各派一千二百五十頃以足二萬頃之數此臣部嘔心區處上以仰承

皇上篤親之念下以優崇

桐封世守之典則此續派一千二百五十頃必不可減者也既經撫按具題前來相應覆

請恭候

命下臣部移咨河南巡撫并咨都察院轉行河南巡

按御史將

瑞藩贍田先派二千頃與續派一千二百五十頃
照依陝省例于闔省府州縣通融派撥徵租以
之國到彼之日爲始務期

藩封有賴而民亦不稱厲斯兩得之至於搜括見
在地一百二頃六十八畝零果係無糧地土租
銀不止三分或卽量爲增益亦無不可是在該
撫裁酌而行非臣部所能億逆也

崇禎元年十月二十日具

題本月二十五日奉

聖旨是欽此

題覆優卹秦中旱災疏

題爲三秦災旱已極百姓流亡可慮懇乞

聖恩亟賜蠲賑以救殘黎以安地方事陝西清吏司
案呈崇禎元年十月十五日奉本部送戶科抄
出巡按陝西監察御史李應公題前事內稱陝
西災旱已極饑民待斃老弱將填溝壑強壯聚
爲盜賊勢甚可虞議將天啓七年負欠并今歲
加派地畝遼餉亟賜免徵惟復將見年者酌減
一半其餘軍餉宗祿一併寬緩更祈

保查萬曆十一年并十三年全奉
慨發帑金遣官賑濟以救災民等因十月初十日奉
奉

聖旨覽奏秦中旱災百姓饑餓流亡聚爲盜賊朕心
惻然但撫按官平日不約飭有司如積穀備荒等
事全未料理一遇災變束手無策但請蠲免且如
遼餉軍餉宗祿何項可省空言市恩何補實集議
所奏戶部卽備查該布政司有何堪緩錢糧量入爲
出蠲恤該撫按一面督率有司多方設法撫賑保

緊撲滅盜賊無令蔓引罪責有歸朕不輕貸該部知道欽此欽遵抄出到部送司案呈到部看得全陝旱魃爲祟自孟夏以至秋伏亢陽半載錄西延以及興安赤地千里禾苗枯槁秋成旣已無望麥種失蒔春作又安所施才遺黎庶已皮焦而髓竭矣饑餓逼身老弱填於溝壑強壯聚於林藪亦勢之所必然者斯時斯際議蠲免則新舊之額餉不可緩議賑濟則

內帑之空虛無可措臣悉心區畫查得天啓六年

清澗縣水災動支該縣備荒粟米八百石賑恤
矣今各府州縣豈無如清澗縣所積備荒粟米
者乎似當盡行散給倘再不足繼以自理贖款
庶可少甦目前之困其餘可緩錢糧如存留粟
剩等項着令布政司查明申詳撫按酌量蠲免
則寬一分民受一分之賜實救荒之急着也殘
黎旣撫則盜賊自戢况該撫業經具奏設法阻
防則意外之虞可潛杜矣旣經具題前來相應

覆

請恭候

命下臣部移咨都察院轉行陝西巡按御史并咨陝西巡撫及照會該省布政司轉行所屬司道卽將陝西西安等八府并興安州所屬州縣備荒粟米及自理贖穀通行給散賑恤其可緩錢糧速行查出酌量蠲免仍將各州縣給散過穀數并蠲恤過錢糧一併造冊報部查考

崇禎元年十月二十日具

題本月二十五日奉

續文獻通考

聖旨是欽此

覆議秦隴積茶抵餉疏

題爲哀括銀兩以佐東事亟需益搜積茶以抵西陲舊餉事陝西清吏司會同專理邊餉山西清吏司案呈本年十月十五日奉本部送戶科抄出巡按陝西監察御史梁天奇題前事內稱搜得苑馬寺茶課駒課肉臟贖鍰等銀三千一十八兩七錢七分起解以佐邊餉又查據臨鞏道下將所積陳茶動支二十萬篋每篋變價銀三錢共計銀六萬兩莊浪道下所積陳茶動支五

萬篋每篋變價銀三錢共計銀一萬五千五百
抵節年欠餉但西陲饑荒特甚庚癸可虞更
蚤發額餉等因十月初十日奉

聖旨這搜括銀兩解助邊餉着該衙門查收積茶着
按臣行該道照數變價充本鎮兵餉其額餉陸續
接濟該部知道欽此欽遵抄出到部送司查得陝
西巡按梁御史將陳茶變價銀七萬五千兩以
抵遠年欠餉誠慮饑軍之待哺以慰衆心之缺
望深屬苦心但議補舊於贏餘之日新舊固當

兩全議補舊於匱調之時急新尤爲要竊惟倉
東西交急彼此露肘適遇茶臣有此搜括查新
餉舊餉總屬一餉而補舊欠新猶是一欠合將
前項銀兩暫抵新發年例以救目前俟外解充
日陸續補發舊欠是亦權宜之術也相應具覆
案呈到部該臣等看得封疆有緩急時勢有輕
重善爲政者與時消息審勢而動則財用不竭
而軍糈可繼連歲夷狄爲患東西交訐額徵不
繼新舊金急自臣受事以來諸鎮討餉之使盈

庭索通之檄滿笥雖經勉力支持未免殫用俱
露今陝西巡茶御史梁天奇目擊時艱嘔心歷
晝搜括課錢以助遼餉變賣陳茶以充秦餉
時協奏幾及八萬誠揣勢救時之急着而足食
強兵之妙算也除將助遼銀兩俟解到日劄庫
收查外其變賣茶價七萬五千兩在按臣欲抵
節年欠餉蓋惟恐額餉之或靳於此時也仁臣
部司屬欲抵當年月餉蓋深念補舊之無濟於
今日也竊計此茶搜自該道題自臺臣總爲軍

糴接濟之計當有斟酌通融之法若半以補往年之舊欠半以作今歲之新給則諸軍糧惠於投醪而民亦稍紓於仰屋矣至本年京運銀兩給發外解少充帑當陸續補足所不敢以搜括充餉故而緩其給發以負臺臣一片苦心也相應覆

請恭候

命下臣部移咨都察院轉行陝西巡按御史及咨陝西巡撫轉行臨鞏道卽將陳茶總價銀六萬兩

內三萬兩抵固鎮積欠銀兩其三萬兩將
元年分已題未發年例并各年肅巡撫轉
浪道卽將陳茶變價銀一萬五千兩內七千五
百兩抵茸鎮積欠年例共七千五百兩抵作崇
禎元年分已題未發年例仍劄銀庫官員於應
發各該鎮年例銀內照數扣除并取各該鎮實
收數部查考抑臣因是而有感焉前代趙宋之
時茶法與鹽法并行至於我

朝漸弛此禁惟漢西陽華亭之閭閻爲始

行茶法

國初尚用官價收買於漢中夔保等處猶有遞送轉運之費歷正德元年都御史楊一清始議商人自願領價者卽與對分官茶貯庫易馬商茶徑自貨賣遂爲定例每歲用茶易馬一萬四千餘匹

國家無一錢之費止需巡茶御史給引召商而商人絡繹前來庫亦每有積餘不以匱乏爲患真天地自然之美利也緣洮河西寧等處居民以

畜牧爲生非乳酪不食非川茶不用土俗民
與番無異故商人以鬻茶射利而

國家亦因資其貿易之利查嘉靖二十五年巡茶
御史胡彥具奏將見在不堪易馬茶觔派價三
分之一約差好者每篋量估價二錢二分次二
錢次一錢八分遇各軍支放折色月分每軍量
給一二篋卽於本軍應支折色銀內照數扣除
蓋茶之新美者易馬以充軍實其久貯不堪者
以當月餉所餘久矣題年特廢格未行

耳今御史梁天奇懷憂

國心抱籌邊略博採道臣之言而以陳茶充餉允屬長便然豈曰偶一行之已乎當此三空四盡之時臣部年例舊餉常苦無從出辦若出茶庫之贏餘抵軍儲之急需陳茶一筭估價三錢新茶一筭約值銀六七錢陳者可給新者獨不可給乎臣昔待罪關中備兵洮岷稔知洮岷西寧等處所在茶庫俱有贏餘不獨一河州莊浪已也爲今之計莫若下令巡茶御史廣召茶商多

積茶筵酌議每歲各茶馬司約有餘茶若
銀若干用抵本年年例之用卽令具疏回
奏著爲定額餘不敷者本部照數找發茶臣回道
考察以有無多寡爲殿最將見一通融間瞬息
可得邊餉十餘萬可抵中府數郡之入無損於
民有益於官亦計之最便者也伏乞

聖明採納申飭施行

崇禎元年十一月初三日具

題本月初七日奉

聖旨茶價七萬五千兩依議分抵新舊餉仍移咨巡
茶御史召商積約每歲除易馬外餘茶可充餉若
于着悉心議妥具奏內正德錯寫正統改正行欽
此

題復裁汰中書俸新疏

題爲遵奉

明旨裁汰中書及太常光祿厨役俸薪糧石以明節
省以濟空匱事陝西清吏司案呈崇禎元年十
月十五日奉本部送戶科抄出福建道監察御
史馬如蛟題爲殷憂所以啓

聖力行乃可奏功等事崇禎元年十月十一日奉

聖旨爲治全在力行曩來怠窳積習殊可痛恨錦衣
冒濫中書濫額并厨役宜汰冗官宜裁其已奉旨

的着上緊查汰裁革在京限本月內回奏匠作
役虛糜卽着該部作速清理不得稽遲再滋弊竇
該衙門知道欽此欽遵抄出到部送司查得錦衣
冒濫業付山東司匠作官役虛糜業行

內府各監局各具題清查外其光祿寺太常寺厨
役宜汰隨行准廣西司付稱呈堂劄行光祿太
常二寺去後今據光祿寺回稱本寺厨役原額
九千名節經裁減僅存三千三百二十五名其
裁不爲不多今奉

五百細加澄汰除無可議裁者不敢搜索外今議於本寺六堂三廳四署各員下書役上竈跟隨人等共裁百名如戶科汪始亨等量汰百名之議至於未補空役五百四十五名今請盡去其籍免其再補二項共裁去厨役六百四十五名歲可省倉糧七千七百四十石冬布折銀三百一十二兩五錢裁汰之法似盡於此等因又據太常寺回稱本寺厨役舊額一千三百名內除

神宮監直爐薪水厨役三百名又看庫寫字厨役

二十二名據該監揭稱俱係體部題奉

欽准專供

太廟等廟

景神等殿

社稷等壇其地方遼闊內藏金玉祭器錢糧巡守時

刻不暇一遇告報祭祀僅足支撐又增

神宗

光宗

熹宗三廟錢糧無人看請本監撫諭諸役協應

堪憐所有

陵寢墳園較昔倍增厨役仍然千人令官監僅止
千三百人多遇祭祀同日差多人少萬不得已
貼彼應此捉襟露肘今據

神宮監并本寺監博兩廳再四查覈仍令逐一分
派備造文冊呈覈等因各到部送司該本司查
得

大明會典太常寺厨役原係題

准一千三百名迄今並未加增今奉

旨清查而該寺屢稱人役尚在不敷無可議決
冊載款項委屬差多人少合照來文并光祿寺
裁定厨役一併付陝西司類覆等因移付到司
又行准中書科手本回稱查得

兩殿中書有加納與効勞兩途欲汰加納則事例
見開恐杜後來之路欲汰効勞則

御用最鉅懼乏供應之人無奈

國儲匱詘不支而原指耗殄無節勢不得已委

兩殿中書原無額員而俸薪不妨有額數合無將事例加納者每

殿每季擬額俸薪二十名實歷効勞授序班銜者

惟

武英殿有之擬額俸薪一十六名統如府州縣廩缺然資序在前令其挨次關領差出則任支此外濫增槩從裁省每歲計之約節二三十金既不阻其事例又無礙其陞遷夙蠹頓清羣心亦願似亦理勢之可行者也其効勞食糧儒士一

途見有三十餘人日進月增猶恐不足
石卽是將來俸薪耗源不澄宜補何益序班俸
薪既額十六名儒士倍儲之額糧三十名足矣
亦如前論資頂補額外不許濫支歲計省糧二
百五六十石蓋俸糧有額則冒濫無階儲積不
清而自清冗員不汰而自汰矣

國儲其稍有濟乎至於加銜一節其見加部考
者非九年考滿與

熹宗登極陞授則援例納授金非速化無可議救其

以

殿工加者如郭希禹等十人本年三月業經吏部題汰今俱各守舊銜至顧名遠等三人不獨其銜全汰其人矣今准前因相應查覆等因到司看得

兩殿中書或係事例加納或係

御前効勞今該科回稱不去其官而額定其俸薪深屬有見等因案呈到部該臣等看得

國計墮謫倉庫殫竭以故臺臣據憂危之苦詞

聖明屢裁汰之

明旨其

內府監局并錦衣衛官軍亦旣陸續清查各行具
題矣今據太常寺光祿寺中書科各回覆前來
例應臣部代爲彙題在光祿厨役見存三千三
百二十五名今又裁去百名又并空役五百四
十五名盡除文籍永免再補止以二千六百八
十名爲額是光祿之限制也太常厨役舊額
千三百名今未加增且各

廟殿

陵寢之看守祭器供辦祭品咸取給焉雖經駁查未
肯議裁當以一千三百名爲額是太常之限制
也若夫中書科合

文華

武英均在其內矣該科官員非起制科則繇恩廕
原無冒濫惟

兩殿中書有加納効勞兩途則冒濫似難免矣加
納原奉

功令之招徠効勞亦關

御前之供應則冒濫又難禁矣今據該科酌議加納中書不可限額而俸薪則不妨於限額若每

殿每季姑定俸薪二十名其資序在前者照例給領而資序在後者勒令需次良以素封輸粟之家原非嗇於衣食而循序通及之餘亦自可無觖望其實歷効勞授序班銜者惟

武英殿有之亦定俸薪十六名先後挨支如中書例又所以示節約而杜浮濫也蓋酌見在之員

缺而定中正之規制固非大過亦無不及要直
爲異日濫觴者預設隄防而非有刻覈其間也
至於奉差之日旣以畫錦爲榮逍遙故里雖資
序在前者亦當任支以讓後人如借差者衆仍
查扣還官揆之事體人情自合如此又儒士一
途雖僅食糧石然掛名日久卽博取俸薪亦以
三十名爲定額挨次頂食稍寓繁纓之惜則俸
薪糧石俱不患無節矣此該掌印中書王瀚初
一片苦心從長酌議而本部所亟爲採納藉手

上

聞者也伏祈

聖明裁定

勅下臣部轉行太常光祿中書等衙門查照遵守則
漏卮盡塞而

國用亦舒矣

崇禎二年正月十八日具

題本月二十一日奉

聖旨這裁定光祿太常寺厨役名數及兩殿中書儀

士俸糧定數挨次俱依議仍永爲額例不得輒議
增加本內錯開銀數查明另奏觖字錯寫改正行
該衙門知道欽此

題覆查議省直賦役全書疏

題爲應

詔陳言再攄救時實著事陝西清吏等司案呈崇禎
元年十一月初四日奉本部送戶科抄出雲南
道監察御史毛羽健題前事等因十月三十日
奉

聖旨這本說民窮難支理財必先恤民深軫朕心天
下之大郡縣之衆豈無冗費冗徵應從省汰及因
事加徵事平未減等項錢糧無補國計重困我民

者所議弔取各處賦役全書逐省磨勘
看議來說欽此崇禎二年正月初十日又奉本
送戶科抄出兵部車駕清吏司管理京營馬政
主事周夢尹題爲履端伊始萬象更新敬陳上
下第一着爲

中興第一義以還元氣以示

國脉事等因正月初二日奉

聖旨賦役關國計民生這所奏各省直通行裁定全
書以核徵收着該部看議前因毛羽健奏奉旨吊

取各處賦役全書逐省磨看另具覆欽此欽遵
各抄出到部送司案查崇禎元年六月內奉本
部送戶科抄出工科給事中劉安行題爲

國計匱實甚弊竇紛頤難稽欲塞千頭萬緒之
弊孔先講提綱挈領之要術事內開查核太倉
銀庫預支銀三十六萬餘兩更祈

嚴勅戶兵工部堂關會各衙門凡有經管錢糧勘合
坵底清出原額若干新增若干每年外解浮
若干戶工事例援納若干歲入之數共計若干

一、彙訂總冊刊刻數籍一套
兵餉原額若干新加若干本色折色若干
各官俸薪柴馬若干

祖制原設官員近日新添各若干彙造總冊刊刻
數全籍一套照前會計冊式開會各衙門出
入數等因六月初五日奉

聖旨這所奏卽着九卿科道等官會推精明心計
臣三四員來并前劉安行所奏侵欺預支三十
萬餘兩務要大段清楚奸人斯得還着科臣劉安

行監視事完定行紀錄欽此欽遵各抄出到部
司除太倉銀庫預支三十六萬餘兩并查京邊
出數及節年增加緣繇備造

御覽青冊業經本部具覆外其外省直解京入數委
應考訂與近日臺臣毛羽捷部臣周夢尹查取
賦役全書之說均爲關切相應併覆等因素呈
到部該臣等看得財用耗竭籌

國者固亟生聚之計民生凋敝憫時者宜懷樽節
之思自科臣劉安行建議提綱挈領欲求出入

大總如京支邊餉等項條分縷析已悉
領袖然不根原其外解之輸將不互覈其小民
之供億孰係正賦之當徵孰係漏卮之當塞則
民間財賦供京邊者十之一二而留充郡縣如
工食公費修理等項非止一端或有因事加徵
事平未已誠有如臺臣所陳者又自逆璫亂政
以來爲捐助爲抽扣爲羨餘爲搜括巧立名色
無一不取之民間甚有暗加火耗于額內隱勾
舊逋於新派者亦難保其必無此部臣周夢尹

又所爲有激乎其言之也凡此杜旁出之門皆
所以急正供之輸合如臺臣部臣所議行文南
北兩直及十三省撫按司府將原刻成賦役全
書文到刻期查點明白每種刷印三部解進磨
勘以防脫落差訛之弊北直河南山東山西陝
西限兩月南直浙江江西湖廣限三月福建四
川廣東廣西雲貴限五月到部大都在十三省
則藩司會其全在兩直則府州會其全所當照
數查核照役全書轉解者也但聞州縣亦各刻

有原派賦役書冊較司府更爲詳盡仍當并令
刷印解進一體磨勘但不得臨時改竄以僞亂
真事發重究其雲貴小省及兵荒地方并偏僻
州縣或原未刻賦役全書及賦役書冊者不妨
繕寫起解庶幾一簡閱聞而加增浮濫之弊犁
然在目前矣惟是臣部從中過度懸空裁節誠
恐省直撫按司府等官以爲窒礙難行則將又
成道旁之舍自當勒令各省直撫按俟此書解
部後督率藩司道府將各州縣一切起運存留

京邊遼餉各項錢糧斟酌裁定存其必需除其
私增務使確然畫一具實奏報又賦役全書起
解到部時大懼冊籍浩瀚必非一耳一目可以
查閱萬一或置高閣亦復何益盈虛之數仍容
臣部選擇心計司官數人會同原題臺省諸臣
分省磨勘毋但委之一二承行司屬塞責了事
若其應存應裁俱須悉心酌議而又參以撫按

原奏集議

上聞應照舊者循例徵解應裁革者與民休息應改

存留爲起解者挹彼注茲將見財賦錙銖盡歸
公家之實用而窮民膏血不令纖毫之虛靡是亦
節用愛人之大計也至於省直賦役查核通完
然後如科臣議定爲本部出納全書令官民出
入之歸宿定京支邊餉之經制著爲定例永杜
濫觴庶

國計大有補裨而民生不至重困矣

崇禎二年正月二十六日具

題二月初一日奉

旨這賦役書冊如議卽移文勒限弔取該撫按仍
督率司府將各州縣徵解數目裁定具奏你部選
心計司官分省磨勘叅酌原奏數成全書務裨出
納存解一覽瞭然官無耗蠹民無橫徵稱朕裕國
綏黎至意內臺臣錯寫科臣改正行該衙門知道

欽此

題蜀秦撫胡廷宴直發徵糧夙弊疏

題爲直發邊方徵糧夙弊通行畫一之法以革積
風以克民運事陝西清吏司案呈崇禎二年正
月初十日奉本部送戶科抄出陝西巡撫胡廷
宴題前事內開陝省徵糧夙弊皆繇審戶不報
花名納戶不給繇票恣憑里催包收通同收頭
作弊以致邊糧逋欠於是採擇鞏昌府知府曹
司牧申詳臨鞏道副使熊師旦揭議復

國家之舊章革因循之夙弊里甲原設十排年

年督催九年寧家不用管都管催義民
役其法至便舊有赤曆冊易知單小民便於
納官府易爲稽查是宜通行各府將崇禎二年
一應錢糧赤曆先令該州縣查其里分若干總
計地畝若干人丁若干遼餉若干邊餉若干諸
色雜費如站價兵荒各項若干

藩祿匠價脩理各項若干內有扣減若干新增若
干再開某里某甲戶頭某名戶下人丁多少地
畝多少該派遼邊各色錢糧多少再開本戶花

名撒數某人名下丁銀若干地數若干該派各
項錢糧若干共該總數若干務要以撒合總分
爲四限或爲十限每限該銀若干每里每甲將
每戶下逐一花名攢造一樣二張各挨順里甲
人戶編就號次訂爲一簿俾里甲戶頭各知自
已應納錢糧數目及每限多少以便完納各該
州縣筭清各訂成書資府用印磨筭鈐記發回
各州縣其易知單應給散各里者當堂分給每
年定限二月內攢造彙齊俱送督糧道覆覈相

同然後詳院開徵至催科之法令各州縣示
門內置櫃上書某里收頭某人聽納戶自封自
投仍將布政司法馬置案上與等相合門內懸
鑼如收頭需索火耗許花戶鳴鑼叫稟其花戶
納銀若干收頭即將印發官簿印票明註所定
數目于本戶限下收頭用圖書鈐記印票付納
戶收執州縣卽照原登官簿稽查完欠比較等
因本年正月初一日奉

聖旨該部卽與覆行欽此欽遵抄出到部送司查照

陝西巡撫議設徵糧催科之法甚于官民兩便
相應具覆案呈到部該臣等看得錢糧干係
國計供輸出自間閭粵自徵收無法而小民憊於
輸將半入包攬之私囊催科無術而大等重于
法馬總歸積猾之侵漁甚有借官爲餌指欠作
迹則民之竭蹶以供

公家者徒飽奸貪之腹奚裨軍

國之用無怪民運逾逋而邊餉愈缺也今秦撫胡
廷宴以陝省臨鞏延慶平涼等府遠僻天荒

以印糧官員多係明經議爲定式以徵糧則
赤曆冊易知單使納戶曉然知應納之的數與
一排年催九甲而免皂快騷擾之害則法至簡
而事易集矣以催科則置印信簿給圖書票使
小民知納糧之實據且革火耗禁常例而無重
徵賠累之苦則政不擾而民樂趨矣此外仍復
鈐制豪強禁戢學霸官收官解不累小民照註
動支不許那借誠于邊民有賴

國計有裨信當畫一遵循者也蓋此法在他省不

過日用常行原非新奇可喜之規此法在秦隴
實爲邊鄙希有便是弦轍更新之會庶催科場
撫字並行而足

國與裕民攸賴矣及查原疏仍薦知府曹司牧外
處邊陲備知情僞欲就近補道缺以竟厥施又
欲選甲科而易明經之衰腐勒憑限而杜災癘
之規避是皆銓衡爲政非臣部所敢越俎也
候

命下臣部移咨陝西巡撫及將都察院轉行陝西

肅巡按御史督率司道府州縣照原題事理
頒定式一體遵奉徵解施行

崇禎二年二月十一日具

題本月十四日奉

旨是以此

題覆秦撫胡廷宴條奏防盜疏

題爲流賊往來靡常及時防勦宜亟謹陳一得之愚以祈

聖明採擇事陝西清吏司案呈崇禎二年正月二十二日奉本部送戶科抄出陝西巡撫胡廷宴題前事等因本月初七日奉

聖旨這條奏十款該部卽與議覆嚴行申飭盜賊猖獗至此巡撫官上疏條陳明是塞責姑着用心料理候代各道有司員缺已有旨速補違限不到的

據胡廷宴發本日期扣明參處該部速遵前旨查明具奏欽此欽遵抄出到部送司查得疏內條奏十款除密偵採選鄉導禁虛張守要害嚴推諉勤操練開自新練鄉兵明賞罰九款隸吏兵二部掌行應聽議覆外其儲糧草并守要害內有事隸本部者呈乞議覆案呈到部看得秦地遼濶夙稱盜藪兼以災祲之後釀成揭竿之勢不爲亡羊補牢之計必致尾大不掉之患今撫臣胡廷宴志切綢繆謀先借箸列款條奏深於弭

盜安民有禪相應照款覆

請恭候

命下臣部移咨陝西各該巡撫衙門及咨都察院轉行陝西巡按御史一體欽遵施行

計開

一曰守要害

前件臣等看得撫臣議將原設金鎖關軍三百名內量撥五十名令把總領駐柳林鎮原設防軍二百名內酌調五十名令把

總管守石門關如此則金鎖關柳林鎮石門關首尾互應亦率然之勢也合用兵餉議以冬防糧銀并裁去石門巡簡俸銀弓兵工食充餉建營深屬有見但查前項防兵旣係額設今止調撥應將原設餉銀內照數改解似不得復議增餉者至新建管舍在石門業有巡簡衙宇堪以修葺在柳林不無創造之費合准動防冬糧銀及裁設俸薪俟事完日仍歸正項支用或和抵

充年例可也伏候

聖裁

一曰儲糧草

前件臣等看得兵以食爲天必士馬飽騰而後可責以禦賊今全陝倉庾如洗該撫調兵六百名在蒲城白水間加意防勦糧草誠所當儲但查調兵則有原給月糧或可移彼就此亦無太費至於行糧不敷聽該撫臣相時斟酌查有司府堪動錢糧通

融補給務在足食足兵庶防禦有資而
盜屏跡矣伏候

聖裁

崇禎二年二月十四日具

題本月十八日奉

聖旨依議行欽此

題議貲郎仍舊轉解邊餉疏

題爲解差勢難停止敬陳題差規則以風援納以
濟軍需事陝西清吏司案呈查得本司所轄陝
省延綏寧夏甘肅固原四鎮并下馬關年例軍
餉銀兩四季差官押解每季每鎮差官一員內
延鎮軍餉獨多照管爲難每季差官二員并山
西宣府大同寧武一年總計用官幾四十員向
因本部乏官隨經題奉

欽依於別衙門空閑官內酌量取用遵行在卷至萬

曆四十六年間因禁資郎借差該科官應
條議一款

兩殿中書之議差以風援納蓋謂事例開納多者
不過數百金惟

兩殿中書以一二千計往時援納甚多見今援納
僅止一人蓋因年來出差有禁長安米珠薪桂
此輩遂不樂從欲將此輩一體差遣但節其夫
馬庶可絕騷驛之弊而廣援納之門隨該本部
議覆以後討銀差者相應酌准其夫馬限數是

在兵部加嚴等因覆奉

欽依遵行在案今閱邸報見四川道御史梁子璠題
爲借差大害等事奉

聖旨這奏借差騷擾深中驛弊以後催取錢糧除重
大請旨特差回日自行具奏餘勒限移文撫按不
必差官各衙門互借及資郎乞差的悉行禁革該
部知道欽此欽遵查得各邊軍餉銀兩乃三軍命
脉本部按季具題差官押解時刻難緩且錢糧
重務壘千至萬旣不能神輸鬼運非職官押解

彈壓修途難保無虞則本部解差與各部解差
及催趲等差不可同日而語明矣卽梁御史疏
內原未語及解差也倘

兩殿資郎并止題差不惟無以風援納之士且本
部一年需官四十員部員各有職掌空閑能幾
舍部員以外似不得不取盈于

兩殿之資郎也總之

兩殿與部員均不能舍驛遞而別爲飛輓惟是錢
糧每解一萬車一輛多則遞加少則遞減此外

酌量限制給與夫馬立爲定額移文兵部照數
給發勘合不許多勒一夫一馬則騷擾之弊不
禁而止矣且中書討差近該中書科條議本部
議覆自出差辭

朝之日爲始停其俸薪截日住支儻亦公私兩便
之計乎呈乞堂裁具題等因案呈到部看得
國家以軍儲爲重人臣以急公爲先借差而騷擾
驛遞誠當禁絕但以驛遞之故而致淹邊餉之
需未免顧此而遺彼也臺臣采子璠深知驛遞

疲累熟覩借差騷擾禁止一疏業奉

明旨以後催趙錢糧除事關重大特差具奏外餘並
勒限移文撫按不必差官仰體

皇上軫卹驛遞困苦至意崇奉行惟謹矣第事有急
需官無備員如臣部解餉一項事干軍儲尤邊
之待哺時不可緩而錢糧之關係難委白丁況
一年餉差幾四十員必欲取諸本部之屬員有
限卽欲取諸別衙門之正途而各衙門多有身
差其借差者亦有限其他清閑富饒而欲借差

遣爲光榮者無如

兩殿資郎此先年科臣條議用以風勵援納事例
有以也近且奉文清汰凡中書出差停其俸薪
作爲節省誠于

國計有裨若又限其夫馬每員出入夫不得過二
十名馬不得過十匹則于軍儲有轉輸之便而
于驛遞亦無騷擾之虞矣旣經該司查議前來
相應題

請恭候

命下臣部移咨兵部一體欽遵施行

崇禎二年二月二十八日具

題三月初二日奉

聖旨貴郎不許借差已有旨卿部既稱解餉必需還
仍舊差委限定夫馬名數不許溢額騷擾驛遞違
者經過地方該撫按查驗叅處其附近銀數少者
聽差官自領不必專遣卿部與兵部通行申飭欽
此

題覆遠年借支太僕銀兩疏

題爲備陳問藏匱竭之繇仰祈

聖鑒應補還者補還應釐正者釐正以清馬政以佐
軍

國急需事陝西清吏司案呈崇禎元年九月二十
九日奉本部送戶科抄出太僕寺卿徐國鼎題
前事內稱案查戶部自萬曆十八年西討哮劉
借一百六十萬東征倭夷借五百六十萬追後
援之爲例每遇邊餉不敷輒向臣寺稱貸通計

借過一千二百萬一千三百四十二兩七錢
今戶部將銀二萬借與臣寺自當恪遵

明旨罔敢背負惟是臣寺所借于各衙門者便應補
還乃各衙門所借于臣寺者獨不應補還乎縱
積數之多弗克盡償亦當酌議而行或三分之
一或于戶七工三事例中量抽若干補還臣寺
亦便計也等因崇禎元年九月二十六日奉

聖旨問寺馬價銀兩自有正需如何歷年借至千有
餘萬毫不抵補成何事體但所在庫藏空虛自難

一一取償這所奏該寺便與戶兵工三部覲面從
磨禁部量還若干免還若干注定數目具奏不得
再行爭執其山東河南班軍額外之賞仍照禮部
原疏分派各衙門不許繁責本寺該衙門知道欽
此欽遵抄出到部送司除兵工二部聽自行議
覆外查得自萬曆十八等年緣哮劉倭寇之警
陸續動支太僕寺銀兩一千餘萬誠有如冏卿
所請者惟是冏寺庫貯名曰馬價兵馬事關一
體節經奉

旨動用原非擅自那借以濟本部之匱可操券而取
償按籍而索負者也茲復奉

旨磨對量還亦何敢不勉焉無奈虜酋交訐師老未
結本部新舊額餉卽每年全完尚拖欠至二百
餘萬備載

御覽簡明冊內其他零星事例歲入幾何安所得點
金之術而爲罔寺抵數十年前軍需耶矧今所
在告棘講求無策致令

君父宵旰措辦無從若徒詭應曰還恐涉支吾反屬

未便且聞州縣馬價近議折色計自今以往寺
藏尚可撐持或亦不須削減頭之鐵而挽西江
之水也合無據實題覆恭請

聖裁等因案呈到部該臣等看得

國家經費如分畔然在邊餉臣部司之在馬價太
僕寺司之各有職掌也又如一家然徃以軍興
煩費臣部原無額設屢奉

明綸動用寺銀以鉅萬計詞是偶有不給循例請支
惟緩急是視非挹彼注此也頃該寺臣惕于職

掌惟恐空虛日甚無以仰佐軍需堯底敷陳伏
請抵還釐正業奉

明旨臣部與兵工三部磨兌應還者還應免者免仰
惟

聖明天縱灼見夫數十年積逋非微臣一時可以議
抵而力償者也夫以

公家之物移之

公家臣亦何敢私執以爲不應還第苦于措辦之
無從耳臣部之不能措辦不能補償非獨

皇上知之卽寺臣亦應知之非獨

皇上憐之卽寺臣亦應憐之臣不敢旁爲引喻卽如
神宗朝府庫充實中外尚有餘裕若嗟若倭旋卽底
定非若今之兵連十年左藏如洗也罔寺一署
借至千萬有奇彼時爲計臣者卽云拮据亦厚
幸矣臣當三空四盡之時而爲百孔千鐫之塞
此時那無可那借無可借而又責臣以償夙逋
臣卽捐頂與踵能濟乎弗能濟乎臣諒寺臣原
從

公家起見苟有餘贏尚望將伯助予而忍按籍索償以重困臣部軍

國之計耶知不待臣辭之畢也伏乞

皇上俯賜鑒察卽將節年動支該寺銀兩查照舊例
槩

賜註銷不則亦俟遼黔平定之後臣部物力有餘再
議措抵庶職掌雖分而同舟共濟矣

崇禎二年二月三十日具

題三月初七日奉

聖旨兵馬錢糧總是國家公事戶部需餉正急原借
支太僕寺銀兩存案備查不必註銷該衙門知道

欽此

題覆查議宗藩分別限祿疏

題爲感激

天恩恭陳治道以賛中興萬一事陝西等清吏司案
呈准山東司付該本部題覆原任山東清吏司
郎中楊嗣昌請定宗祿一款看得

天潢之派卽特加優厚亦不爲過無奈生齒日繁
祿額漸溢若襲其波靡無底之規究必成極重
難返之勢查得天啓五年江西曾以

宗藩限祿爲請已經禮部題覆通計天啓四年以

前之祿數以爲天啓五年以後之祿額就各府
見祿多寡自有通融奉有

欽依遍下諸藩矣隨又議

郡王以五子爲率一子襲封餘四子各給應得封
祿此外多一子則合四子之祿爲五分以均給
之并經題

准通行在案第有地遠法弛者有地方官模稜加徵
而上不及察百姓俛首聽派而下不及知者合
如嗣昌議請着爲令仍行各布政司將諸藩見

派祿糧清查奏報一如天啓五年題定限額之法此外不許多派民間一絲一粟等因崇禎元年十一月初六日奉

聖旨宗祿以本府見祿爲定額將來多寡自爲通融深於節用有裨但如新封藩府誼屬懿親及親王次子初授郡封褒宗祿以自贍亦有未便該部還會同禮部酌議妥當再奏粵鹽旣於天啓元年議定減斤配引徵課十一萬二千餘兩解充新舊餉爲何又那移阻格着該撫按確查速奏不得徇隱

其今歲題留銀九萬四千兩仍如數作速解部
衙門知道欽此欽遵抄出到部送司查得新封藩
府係陝西湖廣二司掌行爲此合付前去煩爲
呈堂會同禮部酌議具覆等因到司除粵鹽聽
山東司查行外其宗祿隨經呈堂咨行禮部酌
議去後今准回稱看得各宗限祿原爲龔斯日
衍支給不敷而設其自

潞藩而下支本最親桐封未遠祿數尚少似難遽
限宜俟後來子姓分封繁衍之日另行裁酌至

各省舊封郡王將軍中尉等位限祿之法誠屬可行惟是親王次子初授郡封之時如割親王之祿與之則親王無減祿之理如分各郡王之祿與之則各郡王自有應均祿之子孫無暇旁及事關宗室酌議須妥遙度亦難合無移文撫按令與諸藩從長商確具覆等因到部送司案呈到部該臣等看得

國家分封諸藩自親郡王而下給祿有差此親親大典也惟是瓜瓞繁衍公私告匱先是當事者

以無可奈何之心爲萬不獲已之計題爲限祿
一法以後分封承襲各分本宗額祿以給子姓
於仰體敦目之中更稍寓樽節之意其慮遠其
議善江右司府講求尤力業奉

欽依但地方實行與否則臣部不及知也第其中仍
有當商確者如

神廟之

潞藩以及

先朝之 福 瑞 惠 桂四藩桐封未遠分屬懿

親異日若有支子分封自當另給祿糧以示優
厚難與諸藩一槩限祿

聖慮周詳蚤已見及此矣且不但五藩也各府親王
原無減祿之例所以成其尊崇如支子初授郡
王卽割親王之祿以與之則經費漸以不給而
體統陵夷矣若割郡王將軍中尉之祿以與之
則各宗誰無子孫而旁及愈難矣然欲加之黎
庶出諸公帑則瘡痍不堪誅求而正供靡所取
償亦非便計是須斟酌歸一方可永遠無弊者

也祇有舊日各藩郡王以下限祿之法誠屬難
鑿可行但恐親王次子初封加派難免猶是地
方一件苦累耳蓋親親固屬大典而元元亦當
寬卹撫按得於目擊之餘自當酌畫其便藩封
身居養贍之內亦宜熟計其終非它人所可遙
度懸斷者也臣部前覆副使楊嗣昌疏未免掛
漏今始自悔其疎莽耳今除

潞府等五藩遵

旨免議限祿外臣謹會同禮部尚書何如寵等具疏

題請合無移文撫按會同各省舊藩親郡等王
督同長史等官從長會議要見限祿之法是否
妥便作何起止或通行於親王或顯行於郡王
以下務使擬議歸一經入可行上以廣
皇上睦族之仁下以卹小民顛連之苦則親親仁民
兩得之矣恭候

命下臣部一體欽遵施行

崇禎二年三月二十三日具

題本月二十七日奉

是欽此

題覆賦役全書移咨再催不必差官疏

題爲奉

旨議造賦役全書謹用補牘以祈

聖斷必行事陝西清吏司案呈崇禎二年二月十七

日奉本部送戶科抄出兵部車駕清吏司主事

周夢尹題前事內開一議派徵錢糧不許一毫

溢出其外一議差官督造請十五省直各專差

一官一議項款畫一王糧宗祿屯粒民運驛傳

零稅盡入全書著爲畫一一請法行自近首飾

心計官先從順天做起酌定項款冊表等項

順二年二月十一日奉

聖旨這條議四款有裨清賦實着戶部先將差官
節約議停妥然後給勅定款施行畿民困苦至
先從順天清起繇近達遠亦說得是該部卽與
覆欽此又本年三月初十日奉本部送戶科抄
廣西道監察御史劉士禎題爲賦役之全書
成宜早收解之銅弊洗汰宜嚴懇乞

聖明立勅具覆以裕

國儲以安民生事內開賦役全書成而便於官者
三謂縣官初理錢糧披刻籍則悉項款之緩急
以爲措解之次第款項諳熟則悉各項之已解
未解而包攬積胥不得影掣批迴且知存留給
發不受衙蠹之欺耗其便於民者亦三謂小民
按籍而知各項額設爲必不可緩之需使僻壤
窮陬金悉經

國鉅典且十年攢造按成式而稽算推收具有頭
緒其省直解銀布政司前列總數中開某州某

縣解某項銀若干後復彙扣總數其欠而未解者戶部得按各州縣之刻冊以定考成凡闕茸之有司黠猾之吏胥包泊之積蠹非此書不足以祛其欺耗若乃摻書外之夙弊又無如禁那借清收兌二端等因崇禎二年三月初五日奉聖旨賦役全書已奉明旨該部如限勒成那借款項司府官力行清覈撫按仍不時吊查在京積欺包攬奸徒巡視及該衙門嚴緝重究存恤馬戶南北通加申飭江西省賦役成書魏照乘先行進覽該

部知道欽此欽遵各抄出到部送司除劄御史疏
內存恤馬戶應聽兵部掌行外其賦役全書該
本部具覆案查崇禎元年十一月內該戶科抄
出雲南道監察御史毛羽捷題爲應

詔陳言等事該本部同工科給事中劉安行題太倉
出納全書與周主事題爲屢端伊始等事覆議
行文各省直撫按司府將原刻成書文到刻期
查點明白刷印三部解進磨勘以防脫落差訛
之弊遠者限五月稍遠限三月近者限兩月在

各省藩司會其全在兩直府州會其全照數解但各州縣亦有原派賦役書冊更爲詳盡亦當并令解進磨勘其有兵荒窮陬原未刻有全書并無書冊不妨繕寫起解一簡閱間而加增浮濫之弊犁然在目矣惟是臣部從中遙度懸空裁節誠恐窒礙難行又當勒令各省直撫按俟此書解部後督率藩司道府將各州縣一切起運存留京邊遼餉各項錢糧斟酌裁定務使確然畫一其實

奏報仍容臣部選心計司官會同原題臺省分省
磨勘其應存應裁悉心酌議叅以撫按原奏集
議

上聞然後定爲本部出納全書着爲定例等因二月
初一日奉

聖旨這賦役書冊如議卽移文勒限吊取該撫按仍
督率司府將各州縣徵解數目裁定具奏你部選
心計司官分省磨勘叅酌原奏覈成全書務俾出
納存解一覽瞭然官無耗蠹民無橫徵稱朕裕國

綬黎至意內臺臣錯寫科臣改正行該衙門知道
欽此勒限通行欽遵去訖今復奉二疏

明旨相應并覆案呈到部該臣等看得賦役全書前
該臣部覆議已得其梗槩矣今臺臣與部臣復
補綴其未備誠謂錢糧關

國家之命脉供輸實小民之脂膏創法未周終貽
弊竇垂法不永徒爲畫餅此臺臣劉士禎之臚
列與部臣周夢尹之條議較若畫一者也蓋自
賦無定額而州縣徵糧文冊得以故爲重輕惟

是刊刻成書則錢糧有一定之額數徵收有一
定之項款孰爲起運孰爲存留孰爲正供雜項
井井有緒在官則據冊而洞知措解之次第給
發之先後解戶不得通同衙蠹以欺蔽在民則
按冊而明知額設之必不可緩額外之必無別
徵而遐陬窮荒皆得按成數以稽核誠部臣所
謂派徵宜飭項款宜一而臺臣所謂有便於官
民者也至於造書先從順天府做起酌定項款
冊式頒之各府州縣以與近

畿之民亟爲更始尤所以重首善而甦民困也
此書一成各省直布政司起解各府州縣錢糧
必須前列大總後開細數則臣部得以按冊稽
而問考成尤當禁絕那借巡緝包攬則解官得
以速交兌而免逗遛此固書外之申飭永垂之
良法洵當着實遵行者也再照此書原非從今
創始蓋各省直所自有也業該臣部覆奉

欽依將各省直原刻賦役全書并各州縣賦役書冊
着速行解部仍勒令各撫按將各州縣一切起

運存畱等項錢糧勘酌裁定釐除奸弊確然盡
一具奏然後可以從事今各省直撫按均切爲
國深心仰承

明旨諄懇必多遵限到部無敢自安怠緩者今主事
周夢尹條議欲各專差一官毋論

欽命四出驛遞供億浩繁而每處各差臣部無此多
官卽借才於別署尤虞乏員必且駭天下之耳
目而起民間之疑畏此臺臣劉士禎謂臣鄉不
必差官者蓋亦蚤見及此矣豈江西不必差而

他處獨當差平合無槩免差官容臣勒限再催
倘有怠緩違違臣等據實叅奏伏候

天語再加申飭臣部移咨各省直巡撫并各都察院
轉行各省直巡按御史將原刊賦役全書遵限
解送仍復斟酌裁定畫一具奏以便委官細加
覈實永爲定式施行

崇禎二年四月初一日具

題本月初五日奉

聖旨賦役全書着再移咨該撫按遵限速進仍裁定

畫一具奏不必差官欽此

覆陝西茶院梁天奇搜括陳茶充餉疏

題爲遵奉

明旨酌議茶法謹確查據實回

奏仰祈

聖鑒事陝西清吏司會同專理邊餉山西清吏司案
呈本年三月二十七日奉本部送戶科抄出巡
按陝西監察御史梁天奇題內稱將洮岷司陳
茶動支上好二萬一百五十筩每筩變價銀四
錢共銀八千六十兩次者一萬二千八百筩每

篋變價銀三錢五分共銀四千四百八十兩
次者三萬五千七百七十九篋每篋變價銀二
錢八分共銀一萬一十八兩一錢二分通共變
價銀二萬二千五百五十八兩一錢二分抵作
固鎮洮岷兵備道屬新舊二餉西寧司陳茶動
支上好者三百篋每篋變價銀四錢共銀一百
二十兩次者四千五百篋每篋變價銀三錢五
分共銀一千五百七十五兩再次者三萬一百
篋每篋變價銀二錢八分共銀八千四百二十

八兩通共變價銀一萬一百二十三兩抵作其
鎮西寧兵備道屬新舊二餉四司陳茶先後俱
動變價惟河州司茶筭所貯無幾止可供易馬
之用若各司之茶卽欲再動變價而食茶者止
有此地此人無論一旦變賣之難亦且有礙商
人鬻茶之路商人不能鬻茶又誰肯顧引乎是
欲疏通而反壅滯也今據各道臣申議與臣所
議相同今後以新茶運到之多寡隨時疏通要
使茶有儲留以備易馬之用又不使茶有多積

以供腐朽之資庶爲兩便但五司茶馬頭緒繁
繁臣言不得不詳伏乞

聖明睿裁仍

勅下戶部再加覆議將洮岷西寧二司茶篋照數變
價共銀三萬二千六百八十一兩一錢二分以
抵該鎮新舊二餉行臣衙門遵守其餘茶篋留
備易馬之用但積有贏餘嗣後隨時變價抵佐
軍需等因三月十五日奉

聖旨戶部知道欽此欽遵抄出到部送司案查崇禎

元年十月十五日該巡按監察御史梁天奇題
爲衷括銀兩以佐東事亟需等事該本部覆議
除將梁御史疏內摻得茶課駒課肉臠贖銀等
銀三千一十八兩七錢七分起解助遼臨鞏道
下陳茶變價銀六萬兩莊浪道下陳茶變價銀
一萬五千兩各抵其固二鎮新舊餉銀外議得
陝西茶法御史給引與商分茶貯庫積有贏餘
將陳茶以抵軍需着令巡茶御史廣召茶商多
積茶筴酌議每歲各茶馬司約有餘茶若干計

銀若干以抵本年年例之用着爲定額
聖旨這搜括銀兩解助遼餉着該衙門查收積茶着
按臣行該道照數變價充本鎮兵餉其額餉陸續
接濟該部知道欽此隨即移會各該衙門欽遵去
訖今既經梁御史查核前來相應依議具覆案
呈到部該臣等看得軍需匱乏主計者每竭
處之方陳積稍裕筦司者宜權通變之術陝西
邊餉告匱已非一日取足于京運而外解不繼
難望西江之漕注取足于民運而赤地如焚系

堪才遺之誅求茶臣梁天奇始而搜括陳茶
價銀七萬五千兩半以抵作節年舊連半以抵
充見年年例亦足少紓臣部之眉急矣茲復奉
明旨除河州司茶無多餘積難以變價外議將洮岷
西寧二司陳茶變價銀共三萬二千六百八十
一兩一錢二分以抵甘固二鎮軍需誠通補餘
以補不足而易兩緩之需以資急用者也至於
每歲額馬一萬九百四十一匹約易馬一匹用
茶一十八兩並賞番舊額用茶二十萬兩在易

馬之額必不可缺而營茶之商時難預定
議留四十萬筴以備二年之用蓋亦長慮却
之深心也嗣是每歲易馬既有成數運茶雖有
多寡每歲亦不相遠合將今議茶價抵充餉銀
三萬二千六百八十一兩零酌爲定例每歲不
拘何處於積茶內通融摻括變價以抵其固二
鎮年例少濟臣部匱乏於萬一是在茶臣設法
疏通甦商鬻販務使馬無缺額茶有多餘亦籌
邊之一助耳恭候

命下臣部移咨陝西甘肅各巡撫并咨都察院轉行
陝西茶馬御史將洮岷司陳茶變價銀二萬二
千五百五十八兩一錢二分以抵固鎮崇禎二
年分秋季年例西寧司陳茶變價銀一萬一百
二十三兩以抵甘鎮崇禎二年分夏季年例仍
劄太倉銀庫照數扣除以後著爲定例施行

崇禎二年四月十四日具

題本月十八日奉

聖旨是欽此

題覆陝撫劉廣生條議新兵餉銀疏

題爲秦民糜爛已極流賊大勢難支急設兵防守
要害謹議處官軍廩糧以圖撲滅以保封疆事
陝西清吏司案呈本年四月初二日奉本部送
戶科抄出陝西巡撫劉廣生題前事等因三月
十八日奉

聖旨秦中流寇不靖分險防守極爲要着兵荒稅課
并汰冗員三項充餉卽與覆行兵荒銀兩不許有
司逋欠那移稅課一照原額劉廣生卽通與申飭

該部知道欽此欽遵抄出到部送司案呈到部
得秦地流賊爲梗氣焰甚張防勦宜亟然必先
期士飽馬騰始可責以折衝禦侮今陝撫劉廣
生嘔心籌畫條議新兵餉銀三款深於弭盜安
民有裨相應照款酌議覆

請恭候

命下臣部移文各該衙門一體遵奉施行

計開

一曰兵荒

前件臣等看得秦中兵荒銀一萬九千兩
原以備地方不時之需

祖宗設法良有深意在承平無事之日尤當急爲預
備況在荒歉危迫之秋豈得任意拖延
并那移別用乎所當

嚴勅撫按載入考成勒令有司如期解納以充目前
防守賞功之用俟事平日或改充事例
可也伏候

聖裁

日稅課

前件臣等看得陝西西安等稅課銀兩額
該一萬五千有奇前該臺臣姜兆張條
議本部議覆抵克固鎮年例業奉

俞旨今陝撫欲改充新兵餉銀以本地之徵權還供
本地之征調亦屬便計夫以固鎮庚癸
時聞鼓譟屢告臣部方恨點金無術額
餉似難復移他用然臣部誼切同舟又
有不便異同者合無暫准借用以濟燃

眉一二年後仍歸年例正項且該撫奏
材碩畫蠹茲流賊亦不難於滅此朝食
也伏候

聖裁

一曰汰冗員

前件臣等看得今日宇內公私兩匱既乏
生財之道當圖節省之方撫臣疏內欲
汰西安同知一員及小縣縣丞主簿巡
簡教官并議裁省武弁誠爲良法查係

吏兵二部掌行應聽該部議覆至
俸薪及各役工食相應准作新兵餉
之用統俟事平之日以充年例者也伏
候

聖裁

崇禎二年四月十五日具

題本月十八日奉

聖旨是西安稅課一項俟賊平日仍充固鎮年例欽
此

覆行人馬懋才題請蠲賑延慶疏

題爲備陳實見異常災變以祈

聖鑒事陝西清吏司案呈崇禎二年四月十五日奉
本部送戶科抄出行人司行人馬懋才題前事
內開延安府去歲一年無雨草木枯焦饑民剝
樹皮掘石塊而食棄子於糞土食入以爲食死
者枕藉生者爲盜西北疆域幾成無人之境題
乞從長計議或發賑濟或蠲加派或姑減其分
數或緩待之秋成至里甲戶丁陪累錢糧則見

在之民抱恨而逃大抵總秦地而言慶陽延安
以北饑荒至十分之極而盜賊則稍次之西安
漢中以下盜賊至十分之極而饑荒則稍次之
等因四月十三日奉

聖旨覽奏延慶等府饑荒情狀朕心惻然應議蠲賑
減緩該部作速從長計履預備倉穀救荒首務地
方官平日留心何至束手無策本境寬恤事宜一
併申飭行該部知道欽此欽遵抄出到部送司案
查崇禎元年十一月二十三日奉本部送戶科

抄山延綏巡撫岳和聲題爲邊地災傷重大等
事奉

聖旨戶部知道欽此又十二月十五日奉本部送戶
科抄出陝西巡撫胡廷宴題爲全陝橫罹重災
等事奉

聖旨秦中災荒至極朕深用惻憫但修救修備全在
地方官相時設處着行巡按御史覆覈於該省存
留錢糧內酌量甦緩仍動支倉糧勸貸出粟多方
設法拯救不得視爲緩圖積穀備荒地方要務據

稱按臣項下全無撫臣止穀一百五十餘石其
不經意可知李應公優游釀亂不能撲滅速着部
院看議來說該衙門知道欽此欽遵各抄出到部
送司業於十二月十七日行文都察院轉行陝
西巡按御史覆覈在案續於本年二月十八日
奉本部送戶科抄出陝西巡撫胡廷宴奏爲續
進樽節贖緩并解鑄息等銀以助遼左軍興事
等因二月十二日奉

聖旨秦民饑荒聚爲盜賊東西皆朕赤子深用軫懷

前該省屢請蠲賑這解銀一萬四千餘兩着該布政司扣作二年應解雜項卽照數將現貯候解銀兩同倉穀等項作速設法賑濟該撫按仍覈實造冊奏繳不得虛冒該部知道欽此欽遵抄出到部業經新餉司呈堂移咨都察院并咨陝西巡撫及照會布政司通行去訖今經具奏前來合遵前後

明旨具覆案呈到部該臣等看得秦中灾荒無如延慶至極茹草掘石生者不保其旦夕食人炊骨

死者相枕於原野卽有少壯逃爲盜賊沿邊
帶幾成丘墟嗟哉此予遺之民也屢厯

皇上軫念酌量甦緩勸貸拯救大沛汪濊於秦中
復扣解助邊餉銀一萬四千餘兩同倉穀作速
賑濟我

皇上惠顧元元不啻已溺已饑業已露湛而膏流矣
乃行人馬愁才復有此疏描寫邊塞餓殍之狀
不啻卽俠流民之圖

聖心惻然銳意寬卹顧寬卹亦難言矣秦中延蹙其

固諸鎮無不仰給民運以爲軍餉近又議留旗
派二十萬以充軍餉各軍方嗷嗷待哺呼癸呼
庚則民運不可蠲加派亦不可蠲也若議賑濟
則自一萬四千之外無可措手而分散且成涓
滴矣議拯救則自畫地煮粥之外無可措手而
倉庾且若懸磬矣臣近與行人馬懋才悉心商
議除前奉

明旨通省軫卹外及查秦中災荒惟延慶最慘延慶
災荒又惟安塞安定保安膚施甘泉清澗綏德

米脂府谷合水十州縣最饑今議蠲賑不可
拯救不能則惟有緩徵一法但緩之夏成與不
緩同蓋延慶等處夏田種少而收遲與無夏同
查原奏有緩之秋成一語今惟將前項十州縣
不論民運加派姑緩徵於秋成之後庶可少甦
其殘喘耳其他延長延川安化寧州等處饑荒
亦甚臣復細繹

明旨本境寬卹事宜一併申飭

皇上爲民之心誠惓惓無已矣邊塞小邑州縣正官

多不得人兼以更代不常所得罰贖止充豁墊
以故有倉之名無倉之實如延慶二府倉乃府
官所積穀也其穀必多且原納自各州縣今獨
不可分給各州縣煮粥以救此窮民乎軍餉正
額固不可減而一切不急之徵如每年舉人會
試銀若干月考季考銀若干修理倉庫衙宇銀
若干公費銀若干諸如此類獨不可一槩刪去
以儲窮民之膏血乎至審編一事秦中每二年
一更大率視丁銀爲已定之案此減則彼增有

加方有去但沿邊一帶當此十戶九逃死喪幾
盡室廬幾空之際而猶執昔年舊套以一二入
而包一戶之錢糧以一二戶而包一甲之錢糧
則寥寥見在之民何堪此包賠之擾無怪乎逃
者盜而居者亦逃也獨不可曲爲軫卹以蘇此
瘡夷之黔首乎是在良有司加之意耳總之議
賑貸煮粥減免以救於目前議緩徵於秋成寬
卹於審編以蘇於日後權衡於灾青之輕重而
拯濟此垂盡待斃之邊氓是則延慶今日之急

務也伏祈

勅下臣部移咨陝西延綏巡撫并咨都察院轉行陝西巡按御史督令各該司道府州縣一體遵奉施行

崇禎二年四月二十六日具

題閏四月初一日奉

聖旨是欽此

題請帶俸官匠悉照汰後新銜造冊疏

題爲恭請

明旨酌給俸糧以杜弊竇事陝西清吏司案呈卷查
先該本部題爲遵奉

明旨清查京邊雜項等事內議先是官匠增俸太侈
臣部供億唯艱其七年秋冬俸銀迄今尚未湊
完今既奉

旨清汰卽當照依新創造支若借口於歷過俸銀仍
索全俸務以

命下之日爲止則非臣部所能辦也等因崇禎元年

十二月十六日奉

聖旨前曾諭爾部官府一體朕無偏私內外衙門俸
銀已經題汰的備查減省實數未汰的速移文催
汰住支俸銀還以命下日爲始陸續給與錦衣衛
馬匹三大營巡捕勇士四衛營料草溢原額的行
該衙門各自清理班軍鹽糧犒賞大工旣停應還
原額及新兵漸補舊伍總協科院查議行清理完
日該部再將各項減省總撤數目通行造冊具奏

欽此欽遵抄出到部送司除未汰衙門節經行
催并節省銀數見在查催俟完日造冊

奏報外仍移文工部鴻臚寺造冊支俸去後查各
衙門帶俸泥於全俸半俸之說尚未造冊送部
以致銀庫無所憑據工部帶俸天啓七年夏季
除崇禎元年四月半給外又於二年正月內找
給銀錢三千九百三十兩零七年秋季以後尚
未支給鴻臚寺帶俸崇禎元年春季尚未全給
誠恐再有耽延呈乞移催造冊速給案呈到部

爲照近日錦衣旗軍布花月糧給散愆期致廣
聖慮焦勞譴責司屬顧分隸雖屬諸司而臣係掌官
實有顓責惴惴負罪幸賴

聖明解網及於寬政嗣是唯有竭蹶駑鈍一切錢糧
務求如期支放以圖報稱於萬一唯是時當空
匱捉襟露肘樽節冗浮以克軍餉少抒

皇上宵旰之憂此又臣犬馬分義惓惓報

主之赤心也慨自逆黨亂政廣樹匪人題敘太濫糜
費日廣帶俸官匠動以千計今節該

內府各監局衙門自行具題清汰去其浮冒存其
實役極爲清楚若外衙門有冗濫者皆效內監
局之竭力清查使衙無冗役人無冗食臣部又
何虞匱訕哉查各官匠今日內監局旣以其冗
冒而汰之則今日被汰之人政昔日冒濫之人
也汰去諸人之俸旣領者已同逝水未領者當
防濫觴查得工部文思院帶俸官匠天啓七年
俸冊每季支銀九千四百兩有奇約計一年共
該支銀三萬七千七百兩有奇今奉

旨通減照依新銜造給一年共省銀一萬六千五百
奇鴻臚寺帶俸官匠崇禎元年俸冊每季支銀
二千四百兩有奇約計一年共該支銀九千五百
百兩有奇今奉

旨減汰照依新銜造給一年共省銀六千兩有奇通
計二項未清汰先每年該銀四萬六千九百兩有
有奇既清汰後每年該銀二萬四千九百兩有
奇若自七年秋季算起計期一年有半補支之
數以汰後共未汰相提而論增減相懸各以三

萬兩爲率關係頗鉅先是臣部具題欲將減放各官未經支俸者俱照新額造支及奉

明旨住支俸銀還以

命下日爲始陸續給與該臣細加詳繹以

命下日爲始陸續給與則

命未下以前似不當給矣及細閱

綸音上文住支俸銀還以

命下日爲始則

命未下以前似人所當給矣臣質本愚闇聞與同

商議遲疑不解唯恐奉行不當祇有再
請明示於

皇上或念邊軍待哺之殷臣部措餉之艱照臣原題
及倣兵部近日裁減清汰官匠柴薪事例

俯將以前未支俸銀俱照清汰後新銜造領則節省
銀項不啻三萬餘兩以充兵食是何異續命之
膏乎萬一

皇上憐念官匠應役

禁廷積勞難泯歷過未支俸銀仍令照舊支給則

臣又安敢不曲體

皇上恤下之仁那移支給而謬有膠執也惟祈

皇上明諭臣部遵奉施行

崇禎二年四月二十七日具

題閏四月初一日奉

聖旨這部寺帶俸官匠未支俸銀 照汰後新銜造

領着申明畫一行欽此